



Avannaata
Kommunia

PISINIARTARNERMUT POLITIKKI AVANNAATA KOMMUNIA

Ulloq 21. august 2024

Version 1.0

Suliarinnittoq: Aningaasaqarnermut Ingerlatsivik



IMARISAI

1. Siunertaq	3
2. Atuuffissaa	3
2.1. Immikkoortortanut makkununga atuuppoq	3
2.2. Akisussaassuseqarneq	3
2.3. atuutilerfia	4
3. Tunngaviit pingaarnerit	4
3.1. Aningaasaqarnikkut akisussaassuseqarneq	4
3.2. Akimut ersittoq unammilleqatigiinnerlu	4
3.3. Inatsisit malittarisassallu	4
3.4. Piujuaannartitsineq avatangiisillu	4
3.5. Isumaginninnikkut akisussaassuseqarneq	6
4. Suleriaaseq najoqqutassallu	6
4.1. Pisiniartarnermi aaqqissuussaaneq	6
4.2. Atorfissaqartitanik misissuineq pilersarusiornerlu	7
4.3. Pisiniartarfissanik toqqaaneq	7
4.4. Pisiniartarnermut isumaqatigiissutit	7
4.5. Ataasiartumik pisineq aamma immikkoortortanut isumaqatigiissuteqarfiunngitsumut pisiniarneq	8
4.6. Neqeroortitsineq neqeroorutinillu pissarsiniarneq	9
4.6.1. Neqeroortitsineq	9
4.6.2. Neqeroorutit	10
4.6.3. Annikinnerusumik pisineq	10
4.6.4. Neqeroortitsisarneq pillugu inatsimmi neqeroortitsineri ilaangitsut:	10
4.7. IT oqarasuaateqarnerlu	11
4.8. Attartornermi isumaqatigiissutit	11
4.9. Illuliornermut sanaartornermullu tunngasut:	11
4.10. Isumaqatigiissutinik aqutsineq	12
4.11. Nakkutillineq, suleqatigiinneq nalilersueqqinnerlu	12
4.12. Akikillisaatit/tunissutit/inuillu ataasiakkaat pisiniarneri	13
5. Attaveqaqatigiinneq sungiusarnerlu	13
6. Politikkimik nutarterineq	13
7. Inatsisit, malittarisassat aamma nittartakkami neqeroortitsisarnermut tunngasut toqqammavigisat	13
8. Illup iluani malittarisassat toqqammavigisat	14



1. SIUNERTAQ

Pisiniartarnermut politikki matumani siunertaavoq Avannaata Kommuniata atortussanik kiffartuussinissanillu pisiniartarnerani suleriaatsit aalajangersarneqarnissaat, taamaaliornikkut kommunip aningaasaataasa pitsaanerpaamik atornerqarnissaat anguniarlugu aamma tamakkiisumik isiginninneq aallaavigalugu niueqatigiinnermi piumasaqaataasut pitsaanerpaat qulakkeerniarlugit.

Siunertaavortaaq pisiniarnerit ammasumik, pisariitsumik aningaasaqarnikkullu akisussaassuseqartumik pisarnissaat, isumaginninnikkut akisussaassuseqarnermik, piujuaannartitsineramik, avatangiisinik inatsisinillu malinninnermik annertusaasumik.

Tamakku saniatigut pisiniartarnermi politikkip qulakkiissavaa, kommunip pisiniartarfigisaasa kommuni niueqatissatut tutsuiginartutut pikkorissutullu misigissagaat.

2. ATUUFFISSAA

2.1. IMMIKKOORTORTANUT MAKKUNUNNGA ATUUPPOQ

- Pisiniartarnermut politikki ingerlatsivinnut, suliffeqarfinnut, immikkoortortanut sulisunullu tamanut atuuppoq.
- Pisiniartarnermut politikki atortussanik kiffartuussinissanillu pisiniarnernut tamanut atuuppoq.

2.2. AKISUSSAASSUSEQARNEQ

- Politikki una Kommunalbestyrelsimit akuerineqassaaq.
- Politikkip matuma suliarineqarneranut nutarterneqarneranullu Aningaasaqarnermut ataatsimiititaliaq akisussaasuvoq.
- Kommunimi pisortat aqutsisullu tamarmik pisussaapput kommunip pisiniartarnermut politikkia aamma pisiniartarnermi isumaqatigiissutit atuuttut alaatsinaassallugit.
- Aningaasaqarnermut ingerlatsivik akisussaavoq politikkip paasisitsiniutigineqarsimanissaanut, aamma pisiniartarnermi isumaqatigiissuteqartarneq pillugu ingerlatsiviit suliffeqarfiillu siunnersussallugit, kiisalu pisiniartarnermut politikki malinneqarnersoq qularnaarniarlugi nakkutilliisassalluni.
- Ingerlatsiviit tamarmik immikkut akisussaapput, Aningaasaqarnermut ingerlatsivik suleqatigalugu, ingerlatsiviup immikkoortortaanut, suliffeqarfiinut sulisuinullu pisariaqartunik najoqqutassiornissamat, pisiniartarnermut politikkip ingerlatsivimmi atortinneqarnissaa pillugu sukumiisumik imalinnik.



2.3. ATUUTILERFIA

- Pisiniartarnermut politikki una atuutilerpoq 1. oktober 2024 aallarnerfigalugu, politikkimillu atuutereersumik taarsiinerunani.

3. TUNNGAVIIT PINGAARNERIT

3.1. ANINGAASAQARNIKKUT AKISUSSAASSUSEQARNEQ

- Pisiortorneq pissaaq, ataatsimut isiginninneq aallaavigalugu, sapinngisamik kommunip aningaasaataanik pitsaanerpaamik atuinissaq qulakkeerniarlugu.
- Siunertarineqartassaaq niueqatigiinnermi piumasaqaatit sapinngisamik pitsaanerpaat anguneqarnissaat, makku eqqarsaatigalugit:
 - Akia
 - Pitsaassuseq/suliamik ilisimasaqassuseq
 - Nassiussinermut akiliinissamullu atatillugu piumasaqaatit
 - Kiffartuussinerup qaffasissusia
 - Qularnaveeqqut
 - Avatangiisit
 - Isumaginninnermut tunngasut
- Ataatsimut isiginnilluni nalilersuinerup malitsigisinnaavaa pisiortorfissaq tamatigut akikinnerpaajungikkaluartoq toqqarneqartoq, pissutsilli, soorlu najugarisami pisiortorfissaqartillugu (tamanna periarfissaappat inatsisitigullu unioqqutitsisoqanngippat), pisiortorfigisap sullissinerata pitsaassusia imaluunniit isumaginninnermut pissutsit oqimaalutaanermi ilaatineqarsinnaammata.

3.2. AKIMUT ERSITTOQ UNAMILLEQATIGIINNERLU

- Pisiniarnermi suleriaatsit ammasuussapput akimullu ersittuussallutik, peqquserluttuliortoqarnissaa soqutigisatigulluunniit aaqqiagiinngittoqalernissaa pinaveersimatinniarlugit
- Unammilleqatigiinneq siuarsartariaqarpoq, neqeroorutit pitsaanerpaat kommunimit pissarsiarineqarnissaat qulakkeerniarlugu

3.3. INATSISIT MALITTARISASSALLU

- Pisiortornerit tamarmik inatsisit atuuttut malillugit pisassapput, neqerooruteqartitsisarnermut inatsit, kiisalu kommunip nammineq malittarisassiai najoqqutassiaalu ilanngullugit.

3.4. PIUJUAANNARTITSINEQ AVATANGIISILLU



Kommunip pisiniartarnermut politikkini aqutugalugu kissaatigaa, avatangiisit piujuaannartinnissaatigut pingaartitsineq, isumaginninnermi suliniuteqarneq illersorneqarsinnaasumillu ileqqorissaarneq ilisarnaatigissallugit.

- Piujuaannartitsineq tungavigalugu aaqiinerit tunisassiallu avatangiisinut ajoqutaanngitsut pisiortorneq aqutugalugu siuarsarneqassapput.
- Kommunip pisiortarnermigut anguniassavaa avatangiisit pitsaanngitsumik sunnerneqartarnerata annikillisarmissaa.

Tamatuma malitsigisaatut neqeroortitsinerni pisiortarnermullu isumaqatigiissutini ilaatinneqartassapput piumasaqaatit, tamanna periarfissaagaangat, pisariaqaraangat inatsisitigullu periarfissaagaangat, pisiortorfigisartakkat, taakkulu pisiortorfigisartagaasa uppersartassagaat

- Nioqqutissanik tunisassiorneq avatangiisit tungaasigut illersorneqarsinnaasumik sinaakkuteqarluni pisut aamma atortussianik mingutsitsisinnaasunik pinngortitamut kuutsitsineq sapinngisamik annerpaamik annikillisarneqarsimasoq
- Pisiortarfiit isumaginninnikkut akisussaaqataasut, soorlu ilinniarfittut atuunermikkut sulisorisaminnillu ilinniartitseqqisarnermikkut, kiisalu inunnik timikkut tarnikkulluunniit innarluutilinnik sulisoqartarnermikkut
- Pisiortarfiit taakkuluunniit pisiortarfiisa inatsisit atuuttut malikkaat, malittarisassat sulisunullu isumaqatigiissutit ilanngullugit, kiisalu tungaviit FN-ip Global Compact-imik taaneqartartut makku:

	Suliffeqarfiup makku malittariaqarpai...
Inuit pisinnaatitaaffii	<ol style="list-style-type: none"> 1. Suliffeqarfiit inuit pisinnaatitaaffiisa nunat tamalaat akornanni nalunaarutigineqarsimasut illersorneqarnissaat tapersortariaqarpaat ataqqisariaqarlugulu. 2. Suliffeqarfiit inuit pisinnaatitaaffiik unioqutitsinernut peqataannginnissaat qulakkeertariaqarpaat.
Sulisut pisinnaatitaaffii	<ol style="list-style-type: none"> 3. Suliffeqarfiit kattuffiit kiffaanngissuseqarnerat aammalu isumaqatigiinniarsinnaanermut pisinnaatitaaffiup sunniuteqarluartumik akuerineqarnissaa illersortariaqarpaat. 4. Suliffeqarfiit pinngitsaalisallunilu pinngitsoorani sulisoqartarnerup tamaasa atorunnaarsinneqarnissaat tapersortariaqarpaat. 5. Suliffeqarfiit meeqqanik sulisitsisarnerup sunniuteqartumik atorunnaarsinneqarnissaa



	<p>tapersortariaqarpaat.</p> <p>6. Suliffeqarfiit suliffeqarnermut atorfeqarnermullu tunngatillugu assigiinngisitsisarnerup annikillisinneqarnissaa tapersortariaqarpaat.</p>
Avatangiisit	<p>7. Suliffeqarfiit avatangiisinut ajornartorsiutinut mianersorluni periuseqarnissaq tapersortariaqarpaat.</p> <p>8. Suliffeqarfiit avatangiisinut akisussaassuseqarnerulernissaq siuarsarniarlugu suliniuteqartariaqarput.</p> <p>9. Suliffeqarfiit teknologiinik avatangiisinut naleqquttunik ineriartortitsineq siammarterinerlu kaammattuutigisariaqarpaat</p>
Peqquserlunniarnermut akiuiniarneq	<p>10. Suliffeqarfiit qanorluunniit peqquserlunniarneq akiorniartariaqarpaat, ilanngullugit aningaasanik atonerluineq peqquserluttuliorniarnertu.</p>

3.5. ISUMAGINNINNIKKUT AKISUSSAASSUSEQARNEQ

- Kommunip pisiortarnerminut atatillugu aalajangiisarnermi eqqarsaatigissavai isumaginninnermut tunngasut, sulisoqarnermut aamma inuit pisinnaatitaaffiit tunngasut, tamanna periarfissaqaraangat, pisariaqaraangat inatsisinullu akerliunngikkaangat.
- Pingartinneqassaaq najukkami pisiortorfusinnaasut tapersorsornissaata, najukkamilu aningaasarsiornerup siuariartornissaa.

4. SULERIAASEQ NAJOQQUTASSALLU

4.1. PISINIARTARNERMI AAQQISSUUSSAANEQ

Pisiniartarnermi aqutsinissaq ataqtigiissaarinissarlut qulakkeerniarlugit, pisiniarnissaq sapinngisamik sioqqulluarlugu Aningaasaqarnermut ingerlatsivik akuliutsinneqartassaaq, pisiniarnissaq imm. 4.6.4-mi allassimasut tunngavigalugit pisussaasimangippat.

Isumaqtigiissuteqarnissat, pisiortornissat, ataqtigiissaarineq nakkutilliinerlu pillugit Aningaasaqarnermut ingerlatsivik pingaarnertut akisussaasuvoq.

Tamanna ima isumaqarpoq:

- Isumaqtigiissutit malinneqarnersut nakkutigalugit
- Suliffeqarfiup iluani pisiortarnermut akisussaasunik suleqateqarnermut akisussaaffeqarneq
- Suliffeqarfiup iluani pisiortarnermut akisussaasunik siunnersuineq ilitsersuinerlu
- Pisiniartarnermut politikkip immikkoortortaanik inerisaaqqinnissap qulakkeernissaa



- Isumaqatigiissutinik aqutsinermi atortorissaarut House of Control atorlugu kommunip isumaqatigiissutai atuuttut ataatsimoortumik takoriaannaatinneqarnissaat.

4.2. ATORFISSAQARTITANIK MISISSUINEQ PILERSAARUSIORNERLU

Pisiortortarnermi annertuukkaartumik pisiniartarnissat akimillu pitsaanerpaamik angusaqarnissaq pillugit Aningaasaqarnermut ingerlatsivik suleqatigineqartassaaq, tamannalu atuuppoq ingerlatsivinnut tamanut, suliffeqarfinnut il.il.

- Pisiassat atorfissaqartinneqartut paasiniarneqassapput pilersaarusiornearneqarlutillu, qulakkeerniarlugu pisariaqavannersut missingersuutinullu ilanngunneqarsimanersut
- Pisiniarnissat sapinngisap piffissaagallartillugu pilersaarusiorneqartassapput kommunimut akitigut piumasaqaatit pitsaanerit qulakkeerumallugit

4.3. PISINIARTARFISSANIK TOQQAANEQ

- Avannaata Kommuniata aallaavigalugu najukkami pisiniarusuppoq, tamanna periarfissaagaangat, pisariaqaraangat inatsisitigullu akornutissaqanngikkaangat, kisianni tamakkiisumik isiginnilluni naliliineq tunngavigalugu, piumasaqaatit unammillernermi pitsaasut aallaavigalugit aamma piumasaqaatit tigussaasut, soorlu akit pitsaassuserlu ilanngullugit. Tamatumani atuutissaaq, tamakkiisumik isiginnilluni pisiniarnermi pitsaassutsip kiffartuussinerullu pitsaanerpaap anguneqarsinnaanera, ataatsimut naliliinermi pisiortorfigisap isumaginninnerup ileqqorissaarnerullu tungaatigut imaluunniit immikkut ittumik ilisimasaqarnerup suliassamillu ilisimasaqarnerup tungaatigut tunniussinnaasai eqqarsaatigalugit.

4.4. PISINIARTARNERMUT ISUMAQATIGIISSUTIT

Pitsaaneruppat, kommuuni nammineerluni pisiortortarnermut isumaqatigiissuteqartassaaq sinaakkutissalluunniit pillugit isumaqatigiissuteqartassalluni, isumaqatigiissutillu sapinngisap naapertorlugu kommuunimut tamarmut atuuttassapput. Pisiortortarnermut isumaqatigiissutinut pisortaqaarfinit allanit, soorlu Namminersorlutik Oqartussanit Nunatsinniluunniit kommuninit allanit, isumaqatigiissutigineqarsimasunut kommuuni ilanngussinnaavoq

Pisiortortarnermut isumaqatigiissutit isumaqatigiissutaasimasut atuuttullu pinngitsoorani malinneqartussatut isumaqatigiissutaasassapput, atuutissallutillu ingerlatsivinnut suliffeqarfinnullu tamanut, apeqqutaatinnagu atortussat ataasiakkaat pisiortortarfinni allani piumasaqaatit pitsaanerisut atorlugit pisiarineqarsinnaangaluarpataluunniit.



Isumaqatigiissuteqarnerup qulakkiissavaa, pisiniarnerit makkunanga aallaaveqarnissaat:

1. Pisiortornerit pissarsiniarnerillu unammilleqatigiissutaanissaat
2. Pisiortornerup tungaatigut sutigut amerlanerpaatigut neqeroortitsinerup atorneqarnissaa
3. Isumaqatigiissuteqarfigineqarsimanngitsunik pisiniarnermi neqeroorusiortitsisarnissaq

Pisiortortarnermut isumaqatigiissutit pilersinneqarsinnaapput ilaatigut makkunanga imaqartillugit:

4. Neqeroortitsineq (minnerpaamik pisiortorfiusinnaasut marluk – periarfissaappat)
5. Sullissineq aalajangersimasoq pillugu akimik aalajangersimasumik neqeroortitsineq
6. Isumaqatigiissutit aalajangersimasumik tunngavillit/isumaqatigiissutit
7. Akit aalajangersimasut, piffissaq pineqartoq nioqqutissallu aalajangersimasut
8. Neqeroortitsisarneq tunngavimmigut qulakkeerinnittoq "pitsaaneq/akikinneq", pitsaassutsimik piumasaqaat appartinngikkaluarlugu
9. Sinaakutissatut isumaqatigiissutit
10. Akit aalajangersimasut pillugit aamma tunniussinermi piumasaqaatit pillugit isumaqatigiissutit
11. Atortussiat assigiit pillugit pisiortorfissanik arlariinnut suliarineqarsinnaasut
12. Isumaqatigiissusioriaaseq qulakkeerinnittoq, ingerlatsivik pisiortortarfimmik toqqaasinnaatillugu pisiariniakkat aalajangersimasut pissarsiariuminarneriluunniit aallaavigalugit

4.5. ATAASIARTUMIK PISINEQ AAMMA IMMIKKOORTORTANUT

ISUMAQATIGIISSUTEQARFIUNNGITSUMUT PISINIARNEQ

Pisiniartoqarsinnaavoq pisiortortarnermut atuuttunik isumaqatigiissuteqarfiunngikkaluartunut taamaallaat pissutsini immikkut illuinnartuni aamma Aningaasaqarnermut ingerlatsivimmik aatsaat oqaloqatiginnereernikkut. Ataasiartumik, annertuumilli, pisiniarnermi tunngaviit, pisiortortarnermut isumaqatigiissuteqarnermi atorneqartartut assigi, atuutiinnassapput. Taamaattumik pisiniarnerit taamaattut Aningaasaqarnermut ingerlatsivik suleqatigalugu pisassapput, pisassallutillu tamakkiisumik naliliineq tunngavigalugu, unammilleqatigiinnermut piumasaqaatit piumasaqaatillu tigussaasut.

Atortussat ataasiakkaat eqqarsaatigalugit pisiarisariaqakkat ilaanni ima annikitsiginnaapput, pisiortornissamut isumaqatigiissusiornissaq



pinngitsoorneqarsinnaalluni. Atortussat aalajangersimasut pillugit pisiortortarnermut isumaqatigiissusiornissaq nalilersorneqartariaqalerpat Aningaasaqarnermut ingerlatsivik tamatigut akuliutsinneqartassaaq.

4.6. NEQEROORTITSINEQ NEQEROORUTINILLU PISSARSINIARNEQ

4.6.1. NEQEROORTITSINEQ

Neqeroorusiortitsisoqassanersoq neqeroorusiortitsisoqassannginnersorluunniit nalileruminaassinnaavoq, taamaattumik Aningaasaqarnermut ingerlatsivik tamatigut peqataatinneqartassaaq. Avannaata Kommuniani neqeroortitsisarnermi najoqqutassat matumani allaaserineqarput.

- Annertuumik pisiniartoqartussaattillugu tamanna pisassaaq Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat naapertorlugu.
- Pisiniarnissami qanoq naleqarnissaanut naliliiniarnermi pisiniartup qaammatit tulluuttut 12-it ingerlaneranni sullissinissamik pineqartumik ataatsimut pisiassamisut naatsorsuutigisaasa nalingat tunngavigineqassaaq.
- Piffissaq isumaqatigiissuteqarfiusussatut kissaatigineqartoq, salliutinneqarnissat ilanngullugit, qaammatinit 12-init sivisuneruppat, piseqqaartussaanerit ilanngullugit sullissinissap pineqartup piffissami isumaqatigiissuteqarfiusumi tamarmi nalingi tamarmiusut tunngavigineqassapput.
- Inatsimmi aningaasatigut killigititaasut:
 - pisortani oqartussat pisortallu suliffeqarfiini nioqqutissanik kiffartuussinernilluunniit kr. 500.000-nik sinnerlugilluunniit nalilinnik pisiniarneq
 - napparsimavimmi atortunut, atortunullu taakkununga attuumassuteqartunut kr. 2.500.000-nik sinnerlugilluunniit nalilinnik pisiniarneq
 - illuliornermi sanaartornermilu suliani kr. 2.500.000-nik imaluunniit sinnerlugit nalilinnik teknikkip tungaatigut ikiorsiinermut
 - pisortat pisiniarnerini, neqerooruteqartup nalunaarutigippagu pisiniarneq neqeroorutigineqartoq § 12, imm. 1-imi arlaat 1-ini atorineqarsimappat neqeroorutaasuni taaneqartuni.
 - 1) Tamanut ammasumik neqerooruteqartitsineq, tak. § 13.
 - 2) Killeqartumik neqerooruteqartitsineq, tak. § 14.



- 3) Siumoortumik nalunaaruteqarluni isumaqatigiinniarnertalimmik neqerooruteqartitsineq pillugu nalunaarut, tak. § 15.
- 4) Siumoortumik nalunaaruteqarnani isumaqatigiinniarnertalimmik neqerooruteqartitsineq pillugu nalunaarut, tak. § 16.
- 5) Imm. 2. Tamanut ammasumik neqerooruteqartitsineq imaluunniit killeqartumik neqerooruteqartitsineq tamatigut atorineqartassapput. Neqerooruteqartitsinerit isumaqatigiinniarnertallit taamaallaat atorineqarsinnaapput § 15, imm. 4-mi imaluunniit § 16, imm. 2-mi piumasaqaatit naammassineqarsimappata.

- Neqerooruteqartitsinerit tamarmik, minillugit nalunaaruteqaqqaanngikkaluarluni isumaqatigiinniarneq tunngavigalugu neqeroortitsinerit, tamanut nalunaarutigineqartassapput neqeroortitsinerimi nalunaaruteqarnikkut pisortat neqerooruteqartitsisarfianni <https://udbudsportalen.gl/da/> aamma kommunip nittartagaani www.avannaata.gl , allaniluunniit tamanut tusagassiisarfiit aqutugalugit.
- Neqerooruteqartitsineq aamma pisinnaavoq ataatsikkut imaluunniit kingusinnerusukkut neqeroortitsinerup saqqummiunneqarneratigut Kalaallit Nunaanni nunaniluunniit allani tusagassiisarfiit atorlugit.

4.6.2. NEQEROORUTIT

- Pisiniarnerit pisinnaapput pisiortortarfinnit arlalinnit neqeroorutinik piniareernikkut, unammillertoqarnissaa qulakkeerniarlugu.

4.6.3. ANNIKINNERUSUMIK PISINEQ

- Pisiniarnerit annikinnerusut pisinnaapput pisiniarfissanit pisiortorfiit arlallit neqerooruteqartinnerisigut, unammilleqatigiittoqarnissaa qulakkeerniarlugu.

4.6.4. NEQEROORTITSISARNEQ PILLUGU INATSIMMI NEQEROORTITSINERMI ILAANGITSUT:

1. Illuliortiternermi sanaartornermilu suliasat (tamakku illuliortnerup sanaartornerullu iluani suliariumannittussarsiuussisarneq pillugu inatsit malillugu suliariumannittussarsiuunneqartassapput.
2. Inatsisitigut kukkuneruiniikkullu siunnersuineq ikiorneqarnerlu
3. Pisortat oqartussaqaarfiinit suliffeqaarfiutaannilluunniit (institutioner) allanit pisiortornerit
4. Neqerooruteqartitsisarneq pillugu EU-p inatsisai tunngavigalugit nunami EU-mut ilaasortaasumi oqartussaasut peqatigalugit pisiniarnerit.



5. Suliassat, aningaasanut inatsimmi aalajangiiffigineqarsimasut tapiiffigineqartussat kimit suliarineqarnissaat pillugu.
6. Isumaqatigiissutit, nr. 1-mit 5 ilanngullugu ilaatinngitsuukkat, inuiaqatigiit soqutigisat pingaarutillit illersorneqarnissaat anguneqarsinnaanngippat annikinnerusumik piumasaqaateqarnermi.

4.7. IT OQARASUAATEQARNERLU

Pisiniartarnermut politikki pingaarneq aamma atuuppoq IT-mi atortunut, IT-system-inut oqarasuaateqarnermullu.

IT-mi isumannaallisaaneq eqqarsaatigalugu aamma IT-qarnikkut piumasaqaatit najoqqutassiallu naammassisinnaajumallugit, IT-qarfimmiit pisiniarnerit neqerooruteqartitsinerillu pisassapput. Ingerlatsiviit suliffeqarfiillu IT-qarnermut tunngatillugu pisiniarnermi najoqqutassat qaqugukkulluunniit atuuttut malittussaavaat.

4.8. ATTARTORNERMI ISUMAQATIGIISSUTIT

Attartortoqarsinnaavoq (leje og leasingaftaler) taamaallaat Aningaasaqarnermut ingerlatsivimmik immikkut isumaqatigiissuteqaqqaarnikkut, tamatigullu attartortoqarnissaanut immikkut ittumik tunngavilersuutit suliarineqarsimassapput. Tamatuma saniatigut Namminersorlutik Oqartussani Aningaasaqarnermut Akileraartarnermullu Naalakkersuisoqarfimmi akuersissut, taamatullu Aningaasaqarnermut ataatsimiititaliamit kommunalbestyrelsimillu akuersissut pissarsiarineqaqqaarsimasariaqarluni.

4.9. ILLULIORNERMUT SANAARTORNERMULLU TUNNGASUT

Pisiniartarnermut politikki una illuliornermut sanaartornermullu suliassanut atuutingilaq. Takuuk punkt 4.6.4. Neqerooruteqartitsinissamut inatsit malillugu neqeroortitsineq minillugu.

Taamaattorli uku pillugit atuuppoq:

- illuliornermi sanaartornermilu suliani kr. 2.500.000-nik imaluunniit sinnerlugit nalilinnik teknikkip tungaatigut ikiorsiinermit
- Isumaqatigiissutinik aqutsinermi Pisiniartarnermut politikki immikkoortoq 4.10 Isumaqatigiissutinik aqutsineq malinneqassaaq.



4.10. ISUMAQATIGIISSUTINIK AQUTSINEQ

- Pisiniarfigisartakkanut isumaqatigiissutit allakkatigut uppersaateqassapput illuatungeriinnillu tamanit atsiorneqarsimassallutik.
- Isumaqatigiissutit erseqqissumik piunasaqaatinik imaqaassapput, annertussutsimut, pisussaaffinnut, tunniussinnermut, akiliinnermut, piffissamut aamma pissutsit pisariaqartunut tunngatillugu.
- Suliassani, kommunimi innuttaasunut, suliffeqarfinnut aamma/imaluunniit kommunip ingerlanneqarneranut paasisutissanik tunngasuni, isiginiarneqartassaaq paasisutissanik suliaqarnermi isumaqatigiissutinik, isertuussisussaataitanermik taamaaqataanillu.
- Isumaqatigiissutit atsiukkat tamarmik Aningaasaqarnermut ingerlatsivimmumt nassiuuneqassapput, tassani isumaqatigiissutinik aqutsinnermi atortoq House of Control-imi toqqorneqassammata.

4.11. NAKKUTILLIINEQ, SULEQATIGIINNEQ NALILERSUEQQINNERLU

Avannaata Kommuniata pingaartippaa pisiortortarfinnut pitsaasumik sivisuumillu attaveqarluarnissaaq. Suleqatigiinneq ilisarnaateqassaaq pissuserissaarnermik, ilumoorussinnermik aamma suliamut atatillugu qaffasissumik ilisimasaqarnermik. Pisiortortarfiit naatsorsuutigineqarput suleqatigiinnermut paasisimasani pisariaqartunik tunniussisinnaassuseqartutut, tunisassianik ineriartortitseqqiisnaasutut aamma sulisaaseq pitsaanerpaaq (best practice).

- Pisiortortarfiup Avannaatalu Kommuniata akornanni ammasumik tatigeqatigiiffiusumillu suleqatigiittoqassaaq.
- Pissutsit ilaqarsinnaapput paasisutissanik kommunimi sulisunit pisiortortarfiusumilluunniit allanut susassaqaangitsunut ingerlateqqinneqartussaangitsunik. Tamatumani eqqarsaatigalugu inoqarfinni inuiaqatigiit angissusii aamma inuit toqqaannartumik akinut uuttuutitut paasisutissanik pissarsisnaasut, isumaginninnermut imaluunniit pissutsit allat isertuuttariaqakkat eqqarsaatigalugit.
- Pisiortornerit ataavartumik nakkutigineqassapput nalilersorneqarlutillu, qulakkeerniarlugu, kommunip atorfissaqartitaanik, anguniagaanik politikkiinillu naammassinnittuunersut.
- Piffissap ingerlanerani kukkunerisuiisoqartassaaq pitsanngoriaatissanik ujarlertoqarluni politikkip malinneqarnissaa qulakkeermallugu



4.12. AKIKILLISAATIT/TUNISSUTIT/INUILLU ATAASIAKKAAT PISINIARNERI

Kommunimi sulisut taakkuluunniit qanigisaat pisiortortarfinnit pioreersunit pisiortortarfigilerumaakkatulluunniit inissisimasunit tunissutinik peqqusaanngillat, tamatumanili eqqarsaatigineqanngillat ussassaarutit nalinginnaasumik tunniunneqartartut nalitunngitsut aamma/imaluunniit susoqarnerani tunissutigineqartartut (inuuissiornermi/ullorsiornermi/nalliuttuni il.il.). Sulisut ilaat suliamut atatillugu atuuffigisaminnut atatillugu neriartoqquneqartarput imaluunniit immikkoortorta qarfik sinnerlugu pisiniartarfigisamiit tunissutinik pisarput. Tamanna killilersimaarneqassaaq tamatigullu aatsaat pisassalluni sulisitsisorisaq qaninneq isumaqatigiissuteqarfigalugu.

Avannaata Kommuniat pisiortortarnermut isumaqatigiissutai aqutugalugit inuit ataasiakkaat pisiniarsinnaatitaanngillat, tamanna tamanut nalunaarutigineqarsimatinnagu. Periarfissat taamaattut pillugit nalunaarutit pisortaanermit imaluunniit Aningaasaqarnermut ingerlatsivimmit nalunaarutigineqarsimasussaapput.

5. ATTAVEQAQATIGIINNEQ SUNGIUSARNERLU

- Pisiniartarnermut politikki suleqatinut pisariaqartunut, pisiniartarnermut atatillugu suliaqartartunut tamanut nalunaarutigineqarsimassaaq.
- Pisiniartarnermut politikki pisiniartarnermilu suleriaatsit pillugit ataavartumik sungiusaasoqartassaaq, ilanngullugu isumaqatigiissutinik aqutsinermi systemip House of Control-ip atornissaa pillugu.

6. POLITIKKIMIK NUTARTERINEQ

Pisiniartarnermut politikki una pisariaqartitsineq tunngavigalugu misissuataarneqarlunilu nutarterneqartassaaq qulakkeerniarlugu naliminut naapertuunnersoq sunnuteqarnerlorlu. Aningaasaqarnermut ingerlatsivik akisussaavoq politikkip matuma nutartersimaneqarnissaanut Aningaasaqarnermut ataatsimiititaliap akuersineri aqutugalugit.

7. INATSISIT, MALITTARISASSAT AAMMA NITTARTAKKAMI

NEQEROORTITSISARNERMUT TUNNGASUT TOQQAMMAVIGISAT

1. Pisortat oqartussaaffigisaanni suliffeqarfiinilu nioqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juni 2019-imeersoq https://nalunaarutit.gl/groenlandsk-lovgivning/2020/vejledning-om-udbudsreglerne_september_2020?sc_lang=da



2. Neqeroortitsisarneq pillugu inatsimmi aalajangersakkanut ilitersuut nr. 1, 1. september 2020-imeersoq https://nalunaarutit.gl/groenlandsk-lovgivning/2020/veiledning-om-udbudsreglerne-september-2020?sc_lang=da
3. FN's Global Compact-ip tunngavii
4. Ataatsimoorussamik pisortat suliarinnittussarsiortarfiat <https://udbudsportalen.gl/da/>

8. ILLUP ILUANI MALITTARISASSAT TOQQAMMAVIGISAT

1. Avannaata Kommuniani Karsimut naatsorsueriaatsimullu maleruaqqusaq (2018)
2. Avannaata Kommuniata "Missingersuutininik aqutsinermut tunngavii"
3. Avannata Kommuniani IT-mut isumannaallisaanermullu politikki (2018)